


1613_060.jpg




60 *M. DC. XIII.*
estoit vn Mercure & quantité de Musiciens
assis: Et au milieu vne Venus, & vn Cupidon
auec son carquois, ayans à leurs costez trois
beaux ieunes villageois, & trois belles ieunes
villageoises tous nuds. Apres ceste Machine sui-
uoient six Cheualiers, auec la lance. Leurs cou-
leurs estoient de verd & incarnat.

V. La cinquiesme estoit le Comte de Harat.
Vne troupe de Musiciens. Vn char faict cōme
vne Baleine trainé par deux Licornes, dans le-
quel estoit aussi vne Venus, & vn Cupidon te-
nant vn dard, son carquois au col: Au milieu
du Char estoit vn grand arbre verd, & vne belle
fille ayant ses cheueux esparpillez sur les espau-
les. Quatre Cheualiers. Leurs couleurs estoiet
de blanc & iaune doré.

VI. Les Seigneurs de Hoyes menoient la
sixiesme troupe. La Machine estoit, vn Mont-
Parnasse, auec le Pegase au haut, & la fonteine.
Au pied & au deuât du mont estoient des hauts-
bois, des Musiciens, & vn Mercure au milieu
de plusieurs filles assises. Au derriere du mont
estoit aussi, Vne fille assise vestuë de toile d'ar-
gent, ayant sur sa teste vne Lune, & proche
d'elle trois grands chiens noirs, lesquels au
lieu d'abbayer chantoient auec elle, & res-
pondoient aux Musiciens de deuant. Apres
ceste machine venoient six Estaffiers, puis les
deux Seigneurs de Hoyes vestus aussi à l'anciēne
Romaine, ayans chacun vne couronne de lau-
rier sur la teste.

VII. Le Comte de Losenstein auoit la con-

1613_061.jpg



Seconde Continuation. 61
choiſte de la ſeptieſme; ils eſtoient tous veſtus
de ſatin verd, & en chaffeurs. Leurs chiens de-
vant eux, & pluſieurs veneurs ſonnans de leurs
trompes.
VIII. Le Comte de Trautmansdorf; Ses cou-
leurs eſtoient de bleu & rouge: Sa machine, vn
Char de triomphe, tiré par deux Licornes, ſur
lequel eſtoit vn Mercure avec vn Sceptre: Et
vn arbre contre lequel eſtoit aſſis vn Victo-
rieux tenant vn vaiſſeau d'or. Deux filles eſtans
à cheual; l'vne portant vn Pelican, & l'autre vn
Soleil, alloient deuant pluſieurs Captifs de tou-
tes nations, que le Cheualier de la Victoire
faisoit mener deuant luy avec ſes Eſtaffiers &
pluſieurs beaux cheuaux.
IX. Le Baron de Herbeſtein menoit la neu-
ſieme troupe. Sa machine eſtoit artificieufe-
ment faiſte en Galere, à la prouë de laquelle y
auoit vn enfant ayant ſes veſtemens verds, te-
nant vn ancre d'argent. Et en la poupe vne
fille route nuë tenât d'vne main les cordes des
voiles, & de l'autre le gouuernail. Au milieu de
la galere eſtoit le Baron de Herbeſtein, armé à
l'antique tenant vn bouclier, & prez de luy vn
cheual volant, vn vieillard, & deux bergers. Ses
eſtaffiers menoit apres ſix cheuaux en main, a-
vec des lances.
X. La dixieſme troupe eſtoit vne machine fai-
te en ciel clos de tous coſtez: laquelle eſtant en-
tre au camp, & deuant les Iuges, s'ouurit. Auſſi
fut parut dans ce ciel Iupiter avec des Nym-
phes chantans diuers airs à la louange de leurs

Image issue du site mercurefrancois.ehess.fr - Cliché (c) Cécile Soudan